

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 008193/06
ՎԱՐՉԱԿԱՆ ԻՐԱՎԱԽԱՐԱՏՄԱՆ ԳՈՐԾԻ ՎԵՐԱԲԵՐՅԱԼ

ք. Երևան

21.05.2019թ.

Ես՝ ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով վարչական իրավախախտման վերաբերյալ թիվ 8193 գործը և ուսումնասիրելով վարչական իրավախախտման վերաբերյալ 21.05.2019թ. թիվ 8193 արձանագրությունը,

ՊԱՐԶԵՑԻ

<<Ն.Վ.ՊՐԵՄԻՈՒՄ>> ՍՊԸ-ի (<ՎՀՀ 02264434>) տնօրեն Արտյոմ Մանուկյանը համաձայն ՀՀ պետական եկամուտների կոմիտեի ստուգումների կազմակերպման և դիտարկման վարչության 29.04.2019թ. թիվ 3001857 ստուգման ակտի՝ հաշվապահական հաշվառումից բացի, օրենսդրությամբ նախատեսված այլ հաշվառումը վարել է այնպիսի խախտումով, որն առաջացրել է հարկի նվազեցում:

Կողմը՝ 08.05.2019թ. պատշաճ ծանուցված լինելով, ներկայացրել է դիմում առ այն, որ ընկերության տնօրեն հանդիսանում է ինքը, սակայն որևէ փաստաթուղթ կամ կնիք չի ստացել և որևէ գործունեություն չի իրականացրել, ուստի հայտարարություն է ներկայացրել ՀՀ Ազգային անվտանգության քննչական ծառայություն, որտեղ այժմ հարուցված է քրեական գործ, ուստի խնդրել է վարչական իրավախախտման վերաբերյալ որոշում չնշանակել մինչև գործի քննության ավարտը:

Վերոնշյալ հիմնավորումները հիմք չեն Արտյոմ Մանուկյանին վարչական պատասխանատվությունից ազատելու համար, քանի որ առարկությամբ ներկայացված փաստերը հիմնավորող որևէ ապացույց սույն գործով չի ներկայացվել, ինչպես նաև խախտումը արձանագրվել է 29.04.2018 թվականին կազմված թիվ 3001857 ակտով, իսկ վարչական ակտը իրավաչափ է, քանի դեռ չի բողոքարկվել ՀՀ օրենսդրությամբ սահմանված կարգով:

Այն փաստը, որ Արտյոմ Մանուկյանի կողմից իրավախախտումը վերջին մեկ տարվա ընթացքում կատարվել է առաջին անգամ, սույն գործով դիտվում է որպես պատասխանատվությունը մեղմացնող հանգամանք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33, 244², 281 հոդվածներով և 282 հոդվածի 1-ին մասով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169¹ հոդվածի 1-ին մասի՝ Արտյոմ Մանուկյանի նկատմամբ կիրառել վարչական տույժ՝ նշանակել տուգանք 15.000 դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն
վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար
նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ստանալուց հետո երեսուն օրվա ընթացքում: Նշված
ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար
անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝
երկամսյա ժամկետում:
Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում,
իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան
տասնհինգ օրվա ընթացքում (հոդված 305, մաս 1) գանձապետական հետևյալ հաշվեմարաններին. 900005240487՝ տուգանքի 70%, 900013000246՝ տուգանքի
30% վճարման անդորրագրի <<նպատակ>> դաշտում պարտադիր նշելով որոշման համարը:
Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը
բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման
օրենսդրությամբ սահմանված կարգով:
Մասնակցեցի գործի քննությանը, որոշման վերաբերյալ առարկություններ չունեմ _____